

ԼՍՈՂՈՒԹՅԱՆ ԽԱՆԳԱՐՈՒՄՆԵՐ ՈՒՆԵՑՈՂ ԵՐԵՒԱՆՆԵՐԻ ԳՐԱՃԱՆԱԶՈՒԹՅԱՆ ՈՒՍՈՒՑՄԱՆ ԾՐԱԳՐԻ ԲՈՎԱՆԴԱԿՈՒԹՅՈՒՆԸ

Ն. Ռ. Եղիազարյան

Երևանի մտավոր թերզարգացում ունեցող երեխաների
թիվ 2 հատուկ (օժանդակ)
դպրոցի տնօրեն

Հանգուցային բառեր և արտահայտություններ. Լսողության խանգարումներ ունեցող երեխաներ, գրաճանաչության ուսուցման մեթոդիկա, գրաճանաչության ծրագիր, հատուկ և ներառական կրթություն իրականացնող դպրոցներ:

Նորություն չի լինի նշել, որ ուսումնական ծրագիրն այն կարևորագույն պետական փաստաթուղթն է, որի հիման վրա կազմակերպվում է ուսուցման գործընթացը: Ինչպես վկայում են գրականության տվյալները, լսողության խանգարումներ ունեցող երեխաների ուսուցման կազմակերպման համար հատուկ ծրագրեր եղել են դեռևս 1929 թվականից [5,6,7], որոնք ներառել են նախապատրաստական և բարձր դասարանների ուսումնական ծրագրերի նյութերը: Գրականության տվյալները վկայում են նաև, որ լսողության խանգարումներ ունեցող երեխաների ուսուցման հարցերը թեև միշտ էլ եղել են հեղինակների ուշադրության կենտրոնում [2,3,4], սակայն զուտ գրաճանաչության ուսուցման հարցերը շատ քիչ են ուսումնասիր-

ված նրանց կողմից, իսկ եղած նյութերն արդեն չեն համապատասխանում ժամանակի պահանջներին:

Ցավոք, այսօր մեր հանրապետությունում հատուկ կրթության ոլորտում տարբեր պատճառներով չի իրականացվում նախադպրոցական պարտադիր ուսուցում. <<...այսօր հանրապետությունում չեն գործում հատուկ նախադպրոցական հաստատություններ, այլ կան միայն որոշ ներառական մանկապարտեզներ, որտեղ կազմակերպվում է այս երեխաների դպրոցական ուսուցման նախապատրաստական գործընթացը>> [1]:

Ահա թե ինչու, չկան մաս լսողության խանգարումներով երեխաների նախապատրաստական դասարանի համար անհրաժեշտ ուսուցման մյուս պայմանները. չեն գործում հատուկ մանկապարտեզներ, ուրեմն և՛ չկան մշակված հատուկ ծրագրեր ու մեթոդիկա: Համապատասխան գրականության և ծրագրի բացակայությունը հանգեցնում են նրան, որ ներկայումս հատուկ դպրոցի դասվարներն ու դաստիարակները գրաճանաչության ուսուցման ժամանակ հենվում են սե-

փական աշխատանքային փորձի և գիտելիքների վրա: Այս ամենն, անշուշտ, խոչընդոտ է լսողության խանգարումներ ունեցող երեխաների գրաճանաչության ուսուցման գործընթացի արդյունավետ կազմակերպման:

Վերոնշյալը վկայում է, որ նման երեխաների համար գրաճանաչության ծրագրի մշակումը արդիական խնդիր է, ունի տեսական, գործնական և սոցիալական կարևոր նշանակություն: Հաշվի առնելով այդ հիմնական դրույթները, լսողության խանգարումներ ունեցող երեխաների գրաճանաչության ուսուցման համար մշակել ենք մոր ծրագիր: Այն նախատեսված է հատուկ և ներառական կրթություն իրականացնող դպրոցներում լսողության խանգարումներով երեխաների հետ աշխատող մանկավարժների, սուրդոմանկավարժների, դաստիարակների, ծնողների, ինչպես նաև սուրդոմանկավարժության բաժնի ուսանողների համար:

Ծրագրում ներկայացված են այն գիտելիքները, որոնց պետք է տիրապետի դպրոցին նախապատրաստվող երեխան: Ըստ այդ չափանիշների պետք է ունենան ուսուցիչների և ընկերների հետ բանավոր և մատնախոսությամբ հաղորդակցվելու տարրական հմտություններ, հասկանալ իրենց ուղղված խոսքը և կատարեն առաջադրանքը, հասկանան հարցերը, կարողանան հաղորդել առաջադրանքի կատարման և սեփական ցանկությունների մասին, խնդրանքով կամ հարցով դիմել ուսուցչին և ընկերներին (և ուսուցչի օգնությամբ, և ինքնուրույն), իմանան առարկաների, գործողությունների պարզ անվանումները (ըստ բառատետրի), կարողանան կտրտած այբուբենից կազմել բառեր և արտահայտություններ, իմանան փոքրատառերի և մեծատառերի գրությունը, տպագիր և ձեռագիր

տառերի համապատասխանությունը, կարողանան գրել և կարդալ տառերը, առանձին բառեր և 2-3 բառից կազմված հասարակ արտահայտություններ:

Ընդհանուր պահանջներից և չափանիշներից բացի, ծրագրում ներկայացված են երեխաների հետ առաջին իսկ օրվանից տարվող աշխատանքների ձևերն ու մոտեցումները: Նկատի ունենալով նախապատրաստական դասարանի երեխաների տարիքային առանձնահատկություններն ու հետաքրքրությունների շրջանակը, որպես դասի հիմնական ձև առաջարկվել է խաղը: Խաղի կիրառումը ստեղծում է այնպիսի պայմաններ, որտեղ երեխաներն արագ մտերմանում են միմյանց, շփվում, իսկ դա արդյունավետ միջոց է հոգեկան գործընթացների և խոսքային հաղորդակցման ձևավորման համար:

Ծրագիրը ներկայացված է աղյուսակի տեսքով (աղյուսակ 1), որտեղ սյունակներով տրված են թեմա, խնդիրներ, գործողություններ, խոսքային նյութ, զննական նյութ և ակնկալիքներ բաժինները: Յուրաքանչյուր բաժնի պարզ շարադրանքը, մեր կարծիքով, բավականին կհեշտացնի մանկավարժի աշխատանքը:

Թեմա բաժնում մանրամասն ներկայացված է ծրագրի բովանդակությունն ըստ գրաճանաչության ուսուցման շրջանների՝ նախաայբբենական և այբբենական: Նախաայբբենական շրջանում նախատեսված են երեխաների ճանաչողական հմտությունների, մանր մոտորիկայի, էջում կողմնորոշվելու, ներկելու, գծելու, նկարելու, բառերը և նկարները ճանաչելու կարողությունների զարգացմանը, ինչպես նաև բառապաշարի հարստացմանը նպաստող թեմաներ:

Գրաճանաչության այբբենական

շրջանը ներառում է տառերի գրու-
տուցումը: Տառերի հաջորդականու-
թյան ընտրության ժամանակ հաշվի է
առնվել դրանց հեշտ արտաբերումը և
շտկողական պարամունքներին այդ
հնչյունների դրման հաջորդականու-
թյունը: Մատչելիության սկզբունքին
համապատասխան, մախ ընդգրկվել
են պարզ հնչողություն ունեցող տա-
ռերը, դրանցով կազմված վանկերն
ու բառերը: Տառերի գրուտուցումը
նպատակ ունի երեխաների մեջ ձևա-
վորելու տառերը (տպագիր և ձեռա-
գիր) առանձին, բառասկզբում, բա-
ռամիջում և բառավերջում ճանաչելու,
արտաբերելու, ուսուցչի շուրթերից
կարդալու, տեսնելու կոկիկ գրելու,
կտրտած այբուբենով վանկեր, բառեր
կազմելու, դրանք կարդալու կարո-
ղությունների զարգացում:

Խնդիրներ բաժնում տրված են յու-
րաքանչյուր թեմայի ուսուցողական,
դաստիարակչական և շտկողական
խնդիրները: Ուսուցողական խնդիր-
ներն են տառերը ճանաչելը, գրելը,
կարդալը, արտաբերելը, շուրթերից
կարդալը, բառերը վերլուծելն ու հա-
մադրելը, բառապաշարի հարստա-
ցումը: Դաստիարակչական խնդիրնե-
րից են սեղանի մոտ ճիշտ կեցվածքով
նստելը, մատիտը, գրիչը ճիշտ բռնելը,
ուշադիր լինելու, խոսողին հետևելու,
անհատական և խմբային աշխատե-
լու կարողությունների զարգացումը:
Շտկողական խնդիրներից է դրված
հնչյունների ճիշտ արտաբերմանը
հետևելը՝ առանձին, վանկերում և բա-
ռերում:

Գործողություններ բաժնում ման-
րամասնաժամ է այն գործողությունների
շարքը, որով հնարավոր կլինի իրա-
գործելու վերը նշված խնդիրները:
Այսինքն՝ դասի ամբողջական կա-

ռուցվածքը, ըստ որի հստակ երևում
է՝ ինչպես սկսել յուրաքանչյուր դաս,
ինչ ընթացք տալ և ինչպես ավարտել:
Պետք է նշել, որ նյութը հետաքրքիր ու
բազմազան դարձնելու համար աշխա-
տել ենք յուրաքանչյուր դաս կառուցել
յուրովի այնպես, որ երեխաներն ինք-
նուրույն տրամաբանելու, երևակայե-
լու, իրենց համար նոր բան հայտնա-
բերելու ու եզրահանգումներ անելու
հնարավորություն ունենան: Ուստի,
յուրաքանչյուր տառի ուսուցման հա-
մար ներկայացվել է համապատաս-
խան խաղ: Տրվել է խաղի վերնագիրը,
նպատակն ու անցկացման կարգը:

Խոսքային նյութ բաժնում տրված
է նորածանոթ բառերի շարքը: Դրանք
ստույգ թեմայից բխող բառերն են:
Ուսուցիչը դրանք պետք է գրի գրա-
տախտակին, ցույց տա բառաքար-
տերով, բացատրի, ապա կազմեն այդ
բառերը կտրտած այբուբենով, մատ-
նախոսեն, կարդան, արտաբերեն և
այլն: Այսինքն, դրանք այն հենակե-
տային բառերն են, որոնց շուրջ պետք
է պտտվի դասի ասելիքը:

Ձևական նյութ բաժնում ներկա-
յացված են դասի վարման, ուսումնա-
կան նյութի մատուցման համար անհ-
րաժեշտ զննական նյութերը: Դրանք
դարձյալ ելնում են յուրաքանչյուր
թեմայի խնդիրներից: Որպես զննա-
կան նյութ, տարբեր դասերի համար
առաջարկվել են հայերենի և մատ-
նախոսության այբուբենները, մեծ և
փոքր տառադարաններ, նկարազարդ
տառապաստառներ, բառաքարտեր,
լոտոներ և այլ խաղեր:

Ակնկալիքներ բաժինն արտացո-
լում է այն ամենն, ինչ պետք է իմանա
և կարողանա լսողության խանգարու-
մով երեխան յուրաքանչյուր դասից
հետո:

Ծրագրի կառուցվածքը մեկ դասի օրինակով.

ԹԵՄԱ	ԽՆԴԻՐՆԵՐ	ԳՈՐԾՈՂՈՒ- ԹՅՈՒՆՆԵՐ	ԽՈՍՔԱՅԻՆ ՆՅՈՒԹ	ՋՆԱԿԱՆ ՆՅՈՒԹ	ԱԿԱԿԱԼԻԲ- ՆԵՐ
մ,Մ տառի գրություն	Սովորեցնել ճանաչել մ տառը վանկի սկզբում և վերջում, բառերի սկզբում, բառամիջում և բառավերջում, ձևավորել մատնախոսելու, շուրթերից կարդալու, վանկերը համադրելով բառեր կազմելու կարողություն: Ուսուցանել մ, Մ տառերի գրությունը: Զարգացնել ուշադրությունը, հիշողությունը, երևակայությունը: Հետևել նստելու, գրելու ճիշտ կեցվածքին, հնչյունի, վանկերի ու բառերի ճիշտ արտաբերմանը:	Եզրագծով կտրել մ, Մ տառերի պատկերները: Գտնել մ, Մ տառերը մեծ և փոքր տառադարաններում, կարդալ, մատնախոսել, արտաբերել: Կատարել հնչյունային շփոթիկա (մո-մո, մա-մա՝ ուսուցիչը ցույց է տալիս համապատասխան նկարներ): Բառային աշխատանք. բառային վերլուծության և համադրության համար կազմակերպել հետևյալ խաղերը. <<Գտիր ընկերներին>> Խաղը նախատեսված է միավանկ բառեր կազմելու համար: Աշակերտները տառադարանից մեկական տառ ստանալով ուսուցիչ, պետք է իրար կողք կանգնեն այնպես, որ կազմեն նորածանոթ բառերը: <<Գտիր գույգիդ>> Աշակերտները շարվում են իրար կողք, բաժանվում են A4 չափի թղթի վրա գրված վանկեր՝ տիտ, մա, ա, տամ, միս և այլն: Ուսուցիչն անվանում է որևէ վանկ: Այդ վանկն ունեցող աշակերտը դուրս է գալիս շարքից և փնտրում իր գույգին, օր՝ մա վանկն ունեցողը պետք է շարքից դուրս բերի տիտ վանկին և իրար կողք կանգնելով՝ կազմեն մատիտ բառը: Նույն ձևով համադրում են մյուս վանկերը և կարդում: մ,Մ տառերի գրություն. Սովորեցնել գրել նախ թելով, փափուկ մետաղալարով, ավազով կամ այլ նյութերով, օդում, ապա կավիճով՝ մեծ և փոքր գրտատախտակներից և նոր միայն՝ տետրում:	Մատ, մատիտ, մատանի, միս, ամիս, մուկ, մոմ, առամ	Մատնախոսության այբուբեն, մեծ և փոքր տառադարաններ, խոսքային նյութին համապատասխան նկարներ, բառաքարտեր, վանկերով քարտեր, նկարազարդ տառապատառ	Երեխաները պետք է ճանաչեն տպագիր և ձեռագիր մ, Մ տառերը բառի տարբեր մասերում, կարողանան ճիշտ մատնախոսել, արտաբերել այդ հնչյունը և դրանով կազմված վանկերն ու բառերը, իմանան թե՛ մայի բառերը, կարողանան դրանք բաժանել վանկերի և հակառակը՝ վանկերը միացնելով կազմեն այդ բառերը և գրեն գեղեցիկ:

Ծրագիրը ներդրվել է Երևանի լսողության խանգարումներ ունեցող երեխաների հատուկ կրթահամալի-

րում 2011-2012 ուսումնական տարում և փորձարարությամբ հիմնավորվել է դրա արդյունավետությունը::

ԳՐԱԿԱՆՈՒԹՅՈՒՆ

1. Սվաջյան Ա. Յ., Սահմանափակ կարողություններով նախադպրոցականների դպրոցական ուսուցման նախապատրաստման գործում խոսքի զարգացմանն ուղղված մանկավարժական մոտեցումներ //Հատուկ մանկավարժություն և հոգեբանություն: Միջբուհական գիտամեթոդական հոդվածների ժողովածու, Երևան, 2008, N7, էջ 60-68:

2. Головчиц Л. А., Дошкольная педагогика, М., 2010, 319 с.

3. Зыков С. А., Обучение глухонемых детей грамоте, М.-Л., 1947, 160 с.

4. Красильникова О. А. Обучение чтению школьников с нарушениями слуха, М., 2005, 272 с.

5. Программы специальных общеобразовательных школ для глухих детей. Москва, 1995.

РЕЗЮМЕ

СОДЕРЖАНИЕ ПРОГРАММЫ ОБУЧЕНИЯ ГРАМОТЕ ДЕТЕЙ С НАРУШЕНИЕМ СЛУХА

Н. Р. Егиязарян

директор специальной (вспомогательной) школы N2
для детей имеющих нарушения интеллекта

В статье представлено содержание рекомендованной нами примерной программы обучения грамоте детей с нарушением слуха.

Расскрываются разделы программы, темы занятий, задачи, действия, речевой и дидактический материал и др.

SUMMARY

The CONTENT OF LITERACY TEACHING PROGRAM FOR CHILDREN WITH HEARING IMPAIRMENTS

N. R. Yeghiazaryan

The content of teaching program for children with hearing Impairments is represented in the article. The following

parts of the program are examined: the themes, tasks, activities, verbal and didactic material, expectations.